



## Pelajar UniSZA dakwah Orang Asli

**GUA MUSANG** - Seramai 40 pelajar Per-satuan Kebajikan Islam Malaysia (Perkim) Universiti Sultan Zainal Abidin (UniSZA) turun padang memberi pendidikan dan dakwah kepada Orang Asli Temiar bera-gama Islam di Pos Tohoi di sini kelmarin.

Dekan Fakulti Pengajian Umum dan Pen-didikan Lanjutan (FUPPL) UniSZA, Prof. Dr. Ramlee Abdullah berkata, program itu merupakan siri keempat dilakukan di perkampungan Orang Asli bagi mengajar mereka mendalamai ajaran Islam.

Beliau yang juga Penasihat Perkim berka-ta, masyarakat Orang Asli yang memeluk agama Islam masih memerlukan bantuan serta bimbingan berterusan. "Sebelum ini kita telah melakukan di Pos Pulat, Pos

Hendrop dan Pos Tohoi. Namun, kita me-milih Pos Tohoi sekali lagi kerana budaya serta cara hidup masyarakat di sini yang menarik.

"Pandangan masyarakat luar mengenai kehidupan Orang Asli yang daif ternyata meleset apabila kita melihat pelbagai pem-bangunan yang dilaksanakan oleh kerajaan termasuklah perumahan, sekolah serta bekalan elektrik dan air," katanya selepas merasmikan program Jalinan Kasih Perkim di Pos Tohoi di sini kelmarin.

Hadir sama, Pegawai program Jurulatih Pakar Pembangunan Sekolah, Wan A'mran Wan Mohamed yang mewakili Pegawai Pen-didikan Daerah Gua Musang dan Penghulu Pos Tohoi, Zainal Chali.

SEBAHAGIAN daripada 40 pelajar Perkim UniSZA berdakwah kepada masyarakat Orang Asli Temiar di Pos Tohoi, Gua Musang kelmarin.